



Publicaziuns dalla vischnaunca, jamna 26

Damonda da baghegiar

2021-3001.000

Datum dalla publicaziun: Ils 2 da fendadur 2021

Il patrun: Strabag AG, Via Alpsu 39, 7180 Disentis/Mustér

Object: Nova inscripziun, parcella 1056 e 3028, Plaun da Diras, 7180 Disentis/Mustér

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 2 da fenadur 2021

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2021-1009.000

Corporaziun d'aua Spina da Vin, Caum postal 132, 7180 Disentis/Mustér; provediment d'aua, parcelas 109, 139, 377 e 408, Casa Nauscha, 7186 Segnas.

Nr. 2021-1020.000

Ivo e Manuela Maissen, Via Acletta 44, 7180 Disentis/ Mustér; nova annexa resp. niev tschaler, parcella 1264, Via Acletta 44, 7180 Disentis/Mustér.

Nr. 2021-1021.000

Corporaziun d'aua Spina da Vin, Caum postal 132, 7180 Disentis/Mustér; sanaziun dil reservuar, parcella 2541, Stgeinas, 7186 Segnas.

Nr. 2021-1024.000

Guido Bucheli-Caduff, Via Salez 102, 7186 Segnas; construcziun d'in tetg sur il lidimer, parcella 211, Via Salez 102, 7186 Segnas.

Nr. 2021-1027.000

Georg Möller e Berit Regenthal, Klosbachstrasse 8, 8032 Turitg; sanaziun ed engrondaziun dalla casa da habitar, parcella 437, Via Bugnei 4, 7186 Segnas.

Nr. 2021-1031.000

Paul Hecht, Martinsgrund 120, 4634 Wisen; remplazzament dil scaldament, nova formaziun dil curtin e niev indrez fotovoltaic, parcella 2212, Via Carcarola 3, 7180 Disentis/Mustér.

Nr. 2021-1038.000

Florentin Tenner, Via Prau 2, 7180 Disentis/Mustér; nova annexa per deponer rauba, parcella 1594, Via Prau 2, 7180 Disentis/Mustér.

Nr. 2021-1041.000

Vischnaunca Disentis/Mustér, Via Cons 2, 7180 Disentis/Mustér; sanaziun dalla via, dils conducts e dalla fontauna, parcelas 1652 e 3012, Via Acletta (Petschna), 7180 Disentis/Mustér.

Disentis/Mustér, ils 2 da fenadur 2021

Uffeci da baghegiar Disentis/Mustér



Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2021-2053.000

Repower AG, Via Santeri 71, 7130 Illanz; remplazzament dalla cabina da repartiziun, parcella 446, Mumpé Tujetsch, 7186 Segnas.

Nr. 2021-2055.000

David Huonder, Obere Giesslistrasse 9, 7130 Illanz; montar ina stora da sulegl e plazzar ina meisa da granit, parcella 3282, Mises Cavorgia, 7183 Mumpé Medel.

Nr. 2021-2057.000

Curdin Petschen, Oberstrasse 159, 9000 St. Gallen; refrestgentar fatschadas dalla tegia da mises, parcella 3554, Prau Sut, 7182 Cavardiras.

Nr. 2021-2058.000

Pius Schmed, Via Alpsu 30A, 7180 Disentis/Mustér; sanaziun dil tetg e lavurs da manteniment vid il baghetg d'economia nr. 305, parcella 3391, Prau Cavardiras, 7182 Cavardiras.

Disentis/Mustér, ils 2 da fenadur 2021

Uffeci da baghegiar Disentis/Mustér

Referendum facultativ spirau

A caschun da sia seduta dils **28 da matg 2021** ha il cussegl da vischnaunca approbau unanimamein in credit da frs. 385 000.– per installar el Center Fontauna indrezs per la protecziun encunter il fiug. Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala.

Suprastonza communal

Susteniment communal en connex cul coronavirus

Differents menaschis en nossa vischnaunca ein stai pertuccai dallas mesiras da protecziun encunter il coronavirus. Per sustener ils menaschis ch'ei vegni tucchai fermamein dalla secunda unda da pandemia ha la suprastonza communal concediu in credit posterieur da maximalmein frs. 80 000.–.

Dil secund lockdown che ha entschiet il december 2020 e cuzzau per differents menaschis ntochen lunsch viaden ella primavera 2021, ei cunzun la branschla dalla gastronomia stada pertuccada. Malgrad il susteniment dil stadi ein las consequenzas finanzialas per tals menaschis grondas. Per segidar cun quellas fatschentas, ha la suprastonza communal concediu sura credit che corrispunda a rodund 0,5 % dallas expensas annualas dalla vischnaunca.

Autorisai da retrer daners da susteniment ein menaschis cun la sedia e fatschenta a Disentis/Mustér e che retscheivan dil cantun Grischun in'indemnisaziun per cass da direzia (Härtefallentschädigung). La damonda per in susteniment culs documents pretendi ei d'inoltrar alla suprastonza communal **entochen ils 31 d'uost 2021**. Il formular per inoltrar ina damonda san ins retrer dall'administraziun communal ni via www.disentis.ch / Actualitads.

El decuors dil settember 2021 vegn la suprastonza communal ad analisar las damondas inoltradas, fixar l'altezia dil susteniment e comunicar als petents il conclud a scret.

Plinavon ha la suprastonza decidiu da tarmetter ils quens per las taxas da hosps e da turissem pér alla fin settember 2021. Pertuccont in'eventuala prolungaziun da termins da pagament per quens communal da



taxas e taglias sa el cass da munconza da liquiditad vegnir tschentau all'administraziun communalina ina damonda da prolungaziun individuala.

Suprastonza communalina

Serrada vias d'uaul muort lavurs da construcziun

Duront il temps da baghegiar ston ils tschancuns dils plazzals da construcziun vegnir serrai pil traffic motorisau. En cass da viadis urgents en favur dall'agricultura san ils pertuccai secunvegnir directamein cugl impressari el liug. Il stan actual davart las restricziuns vegn communicaus silla pagina d'internet www.disentis.ch/strassen Muort ils plazzals pretensius sa ei dar midadas dallas restricziuns da traffic era a cuorta vesta.

Plaun Menisch: Plaunca Su–Pardi

Da Plaunca Su entochen Pardi resta la via serrada entochen igl atun. Per contonscher ils mises a Plaun Menisch exista la pusseivladad da carrar sur la Val da Segnas. Impressari: Berther Bau und Industrie AG, Ibrahim Bajraktaraj, 079 433 13 10.

Via Run: Marietta–Plaun Tir

Naven dalla Marietta entochen Sils Bletschs ei la via serrada naven da **gliendisdis, ils 17 da matg 2021 entochen fin zercladur 2021**.

Impressari Josef Gall, 079 216 07 51.

Las reparaturas vid la via naven dalla Truaisch entochen la tegia da Plaun Tir vegnan exequidas naven **da miez fenadur entochen la fin settember 2021**. Igl access sin quei tschancun ei sulettamein pusseivels pil traffic plaun.

Via Fontaunas: Mumpé Medel–Clavadials –Fontaunas

Vid la via dallas Fontaunas ei previu dad entscheiver cullas lavurs naven **dils 21 da zercladur 2021**. Las lavurs cuozan entochen **ils 15 da fenadur 2021**. Duront quei temps resta la via serrada pil traffic motorisau.

Via Cavorgia: Mises las Cavorgias–Camacher–Riada

A Cavorgia ei la via serrada naven **dils 15 da zercladur 2021**. Pil mument ein ils mises a Camacher–Cavorgia Sura pertuccai dallas restricziuns da traffic. Las restricziuns da traffic serestrenschan per regla duront l'jamna.

Nus supplichein da prender enconuschientscha da quest avis ed engraziein per la capientscha.

Uffeci forestal Disentis/Mustér

Niev – foto digitala per la carta d'identitad

Habitontas e habitonts che vulan prolongir ni far ina nova carta d'identitad han da niev era la pusseivladad da tarmetter ina fotografia digitala per e-mail a secretariat@disentis.ch. La fotografia sto corrispunder allas normas ch'eiin publicadas sin nossa pagina d'internet sut: [Vischnaunca/Administraziun/Partiziuns/Carta d'identitad](http://www.vischnaunca.ch/Administraziun/Partiziuns/Carta%20d%20identitad). Plinavon sto la fotografia vegnir inoltrada en format da JPG. Il formular da damonda sto denton vinavon vegnir suttascrets personalmein al spurtegl dall'administraziun communalina. Igl impuls da tschercar alternativias tier ina foto da passaport (fotografia tradiziunala) ha sur Martin Bearth dau cun sia brev da lecturs «Tgei veta cumplacada», cumparida ella «Quotidiana» avon paucs meins.

Administraziun communalina



Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn! Vos Pumpiers Sursassial

Preavis

Portas aviartas en biblioteca e ludoteca

Mesjamna, igl 1. da settember 2021 organischeschan la biblioteca e la ludoteca ensemen in suentermiezdi da portas aviartas. L'occurrenza ha liug naven dallas 13.00 tochen allas 17.00.

Nus selegrein sin Vossa viseta.

Biblioteca populara Disentis/Mustér e contuorn e la Ludoteca Disentis/Mustér e contuorn

Uniun da dunnas Disentis/Mustér

A caschun dalla davosa radunonza generala ein las suandontas persunas vegnidas elegidas;

Leslie Flury, presidenta (niev)

Manuela Maissen, cassiera (reelegida per dus onns)

Plinavon ha la radunonza fixau la contribuziun annuala a frs. 20.–. L'unfrenda da sontga Lisabet ei voluntaria. Ei vegn denton supplicau dad indicar sil cedel da pagament, per tgi che la contribuziun ei destinada. Nus vulein aunc inagada engraziar da cor a Katrin Pally per sia buna lavur ils davos onns sco presidenta per l'uniun.

Cordials salids La suprastonza Leslie, Sandra e Manuela

Im Zusammenhang mit der letzten Generalversammlung der Uniun da dunnas sind folgende Personen gewählt worden:

Leslie Flury, Präsidentin (neu)

Manuela Maissen, Kassiererin (wiedergewählt für zwei Jahre)

Weiter wurde an der Generalversammlung der Mitgliederbeitrag auf Fr. 20.– fixiert. Die Spende für die heilige Lisabet ist freiwillig. Es wird um Angabe auf dem Einzahlungsschein gebeten, für wen die Zahlung ist. Auch möchten wir hier nochmal herzlich Katrin Pally für ihre Arbeit als Präsidentin in den letzten Jahren danken. Der Vorstand, Leslie, Sandra und Manuela
